



KOMUNIKADO DI PRENSA
Willemstad, 23 novèmber 2023

TARIFA DI GASOLIN I AWA TA BAHÀ, DIESEL TA SUBI, ELEKTRISIDAT TA KEDA PRAKTIKAMENTE MESKOS

WILLEMSTAD – Entrante djamars 28 di novèmber 2023 e tarifa di gasolin ta baha i e tarifa di diesel ta subi na Kòrsou. Tambe e tarifa di awa ta baha entrante djabièrne 1 di desèmber 2023. E tarifa di elektrisidat ta keda praktikamente meskos. Esaki Bureau Telecommunicatie en Post (BT&P) ta partisipá den su komunikado mensual riba e partikularidat aki. BT&P ta supervisá e desaroyo di preis di produktonan petrolero i di utilidat.


Kálkulo tarifa produktonan kombustibel

E kálkulo di tarifa pa Mogas 95, Gasoil LSD, LPG 20 i LPG 100 konosé e komponentenan 1. Preis di kompra, 2. Impuesto di importashon LSD, 3. Garantia di suministro di kombustibel (1a), 4. Garantia di suministro di kombustibel (1b), 5. Márgen pa Curoil, 6. Impuesto di konsumo (Akseins), 7. Sùrplùs/Défisit (Recovery), 8. Supsidio krusá, 9. O.B. di 6% pa benta por mayor, 10. Márgen pa agente, i 11. O.B. di 6% pa benta por detal. Pa sierto komponente e tarifa sero ta konta, sea temporalmente òf nò. E tarifa pa benta por mayor ta inklui e promé nuebe komponentenan miéntras ku e tarifa pa benta por detal (na usuario final) ta inklui tur komponente.

Ta determiná e preis di kompra, kaminda kalkulashon ta kuminsá, mensualmente pa e luna siguiente a base di e reserva di kombustibel disponibel na final di luna pasá. Pues: e preisnan di kompra ku ta stipulá pa òktober 2023, en prinsipio ta basá riba e reserva di kombustibel disponibel pa final di desèmber 2023.

Den kaso ku si e informashon tokante di reserva duná dor di Curoil ta inalkansabel, lo tin ku sali for di e kotisashon internashonal resien. E preisnan di kompra akí ta wordu revisá dor di notashon di preis internashonal. Dor di e lapso aki den e mekanismo pa determiná preis, por ta nesesario pa deskontá eventual diferensia entre e preis di kompra regulá i e montantenan di kompra real, di forma retroaktivo via e elemento ‘Sùrplùs/Défisit’.

E fluktuashon di preis riba merkado internashonal e último simanan ta masha fuerte i e desaroyonan na Kòrsou ta kana huntu kune. Akibou ta sigui un resúmen di e desaroyo di preis di krudo (WTI) i e preisnan di Platts pa Mogas i LSD for di yùni 2023.



E bahada di e tarifa usuario final pa Mogas 95 ta debí na e bahada substansial den preis di un kompra resien hasí, kual ta kore paralèl ku preisnan internashonal (Platts), i tambe pa motibo di un komponente di korekshon negativo. E tarifa usuario final di Gasoil LSD ta subi prinsipalmente dor ku e preis di kompra ta basá riba e stòk di septèmber 2023, kual a ser kumprá na momento ku e preis internashonal tabata altu. Ademas di esaki, Gasoil LSD tambe tin un komponente di korekshon positivo debí na e eliminashon di e medidanan tumá luna pasá huntú ku e komponente di korekshon regular. Tambe ta bon pa menshoná ku e preisnan internashonal pa Gasoil LSD pa un tempu kaba ta mas altu ku esun di Mogas, kual ta ser reflekshoná den e desaroyo di preis na Kòrsou.

Kálkulo tarifa awa i koriente

E kálkulo di e tarifa pa awa i elektrisidat tin dos komponente: e tarifa básiko i e klousula di kombustibel. E klousula di kombustibel pa elektrisidat ta konsistí di dos elemento: kompra di koriente i gastunan di kombustibel.

E ‘kompra di koriente’ ta basá riba e preis pa e energia ku tersernan ta suministrá, manera energia di biento i di solo. ‘Gastunan di kombustibel’ ta enserá produkshon di energia dor di Aqualectra mes.

Tambe e klousula di kombustibel pa awa ta konsistí di dos elementu, ku ta “kompra” basá riba preis di awa ku ta wòrdu suministrá dor di un terser partido i e gastunan di elektrisidat pa produkshon di awa dor di Aqualectra mes.

Sin embargo, kada luna e uso di e diferente medio pa produkshon – e asina yamá ‘meskla di produkshon’ ta varia. P’esei BT&P ta determiná e balor di e klousula di kombustibel mensualmente basá riba e pronóstiko di Aqualectra, di kiko e meskla di produkshon lo bira, den e



kaso aki pa e luna di desèmber 2023. Si un luna despues resultá ku e elemento akí tabata muchu haltu òf muchu abou, ta korigí esaki. Den e kaso akí, ta trata di e luna di òktober 2023.

BT&P ta determiná e tarifa básiko pa tantu awa komo elektrisidat un biaha pa aña. E tarifa akí ta enserá tur otro gastu (fiho) pa e produkshon di awa i elektrisidat i tambe e gastunan pa e distribushon i e entrega di esakinan, manera gastu di personal, di mantenshon, depresiashon, etc.

E subida leve di e tarifanan pa elektrisidat prinsipalmente ta resultado di un promedio mas abou di kostonan di kombustibel pa produkshon di elektrisidat, den kombinashon ku e produkshon-miksto antisipá i un faktor di korekshon mas altu pa e luna di òktober 2023. E bahada di tarifanan di awa ta resultado di un subida leve den kostonan di elektrisidat pa produkshon di awa i un faktor di korekshon mas abou pa luna di òktober 2023.

Aprobashon i fihamentu

BT&P ta asesora Konseho di Minister (KdM) enkuanto e tarifanan nobo. Solamente despues ku e KdM aprobá e propuesta, e Minister pa Desaroyo Ekonómiko, ku a la bes ta enkargá ku asuntunan di energia, ta fiha e tarifanan. Eseinan ta e tarifanan máksimo ku por usa un luna largu.

Ku e prosedura akí, ku ta konsiderá faktornan internashonal i lokal, e supervisor BT&P ta vigilá e entrega di kombustibel, awa i elektrisidat na e poblashon lokal di forma independiente i transparente, pa esaki ta kontínuo i rasonabel.

Por mira e ahustenan eksakto den e tarifanan riba www.btnp.org.

FIN DI KOMUNIKADO DI PRENSA

Nota pa Redakshon:

Pa mas informashon tokante di e komunikado di prensa akí, por tuma kontakto ku Bureau Telecommunicatie en Post na +(599-9) 463-1700.